

四庫全書

經部

按：本冊原書於抗戰播達中曾遭水漬，致字跡模糊不清，茲雖力經描修版面，仍無法全復舊觀。

欽定四庫全書

經部

儀禮經傳通解續卷十七

詳校官尚書臣德保

給事中臣溫常綬復勘

總校官進士臣繆珙

校對官中書臣吳俊

謄錄舉人臣周克鵬

欽定四庫全書

儀禮經傳通解續卷十七

宋楊復撰

特牲饋食禮

祭禮一

鄭目錄云特牲饋食之禮謂諸侯之士祭祖稱非天子之士而

於五禮屬吉禮疏曰曲禮云大夫以索牛士以羊豕彼天子大夫士此儀禮特牲少牢故知是諸侯大

夫士也且經直云適其皇祖某子不云考鄭云祖稱者祭法云適士王廟官師一廟官師謂中下之士祖

稱共廟亦兼祭祖故經舉祖兼有稱者鄭達經意祖稱俱言也若祭無間一廟二廟皆先祭祖後祭稱是

以文二年在傳云文武不先不啻子不先父是也若祭無間尊卑廟數多少皆同日而祭畢以此及少牢

惟筮一日明
不別日祭也

經十五

特牲饋食之禮不諏日

諏子煩反祭祀自孰始曰饋食饋食者食道也諏謀也士賤

職瘞時至事暇可以祭則筮其日矣不如少牢大夫先與有司於廟門諏丁己之日疏曰饋食者食道也者食道是生人飲食之道孝子於親雖死事之若生故用生人食道饋之也云饋食者士大夫祭祀自孰始也天子諸侯饋孰己前仍有灌盥朝踐饋獻之事但饋食見進黍稷云饋孰見牲體而書天子諸侯堂上朝踐饋獻後迎尸於堂亦進黍稷牲體不諏日謂不如大夫已上預前十日與臣諏日而筮之如少牢大夫先與有司於廟門諏日己之日也鄭云時葬事暇可以祭者若祭時至有事不得暇則不同以私廢公故也若大夫已上尊

時至唯有喪故不祭自餘
有公事及病使人攝祭

及筮日主人冠端玄即位于

門外西面

冠端玄玄冠玄端不言玄者玄冠有不玄端者門謂廂門

疏曰云冠端玄謂玄冠玄端

也下言玄者玄冠有不玄端者不玄端則朝服下記云
助祭者朝服謂緇布衣而素裳然則玄端一冠冠兩服

也云門謂廟門見士冠禮

子姓兄弟如主人之服立于主人之南西

面北上

所祭者之子孫言子姓者子之所生小宗祭而兄弟皆來與焉宗子祭則族人皆侍與音預

是也云小宗祭而兄弟皆來與焉者喪服小記云繼別
疏曰鄭注喪大記云姓之言生也云子之所生則孫

為宗繼禰者為小宗鄭注云小宗有四或繼高祖或繼
曾祖或繼祖或繼隔皆至五世則遷若然繼禰者長者

為小宗親弟等雖異官皆來祭繼祖者從父昆弟皆來
祭繼曾祖者從祖昆弟皆來祭繼高祖者族祖昆弟皆

來祭是皆舉小宗而言也云宗子祭則族人皆侍者禮記別子為祖繼別為大宗繼稱為小宗若庶大宗子祭一族之內皆來助祭引之者證經子姓兄弟有司羣執據小宗有服者若據大宗庶有絕服者也

事如兄弟服東面北上

士之屬吏也服者如主人冠

疏曰云如兄弟

有難子弟謂此言為屬吏

席于門中關西闕外

又關魚列反闕于通反

設之也古文闕作梁闕作蹇

為于偽反下為仲同

疏曰案士冠禮云筮與席所針者具饌于西塾乃言布

席于門中筮人執筮抽上韝魚執之此不言具饌于西塾而經但言席于門中取筮于西塾又不云抽上韝者

皆是互見省文之義筮人取筮于西塾執之東面受命于主人

官名也筮問也取其所用問神明者謂著也疏曰凡卜筮實問于鬼神謂卜用龜龜知生數一二三四五之

神靈用著著知成數七八九六之神則此鄭云神明者也若然神既為生成之神鄭云謂著者則著亦有神易繫辭有著之神宰自主人之左贊命命曰孝孫某筮來曰德圓而神

某諏此某事適其皇祖某子尚饗

宰韋史之長自由也贊位也達也贊命由

左者為神求變也士祭曰歲事此言某事又不言祀者容大祥之後禋月之吉祭皇君也言君祖者尊之也某

子者祖字也伯子仲子也尚庶幾也長丁文反下同祀音配又芳非反疏曰贊命之事非長不知敬知羣

史之長也士冠禮宰自右少退贊命鄭注云贊佐也命告也佐主人告所以筮也少儀曰贊幣自左詔辭自右

此祭祀故宰自左贊命為神求吉故變於常禮也云士祭曰歲事案下宿賓云薦歲事據吉祭而言又少牢吉

祭云以某妃配即與士虞記云中月而禋是月也吉祭猶未配此與彼文同故知是禋月吉祭非常時吉祭所

以不言歲事而云某事也云言君祖者尊之也者天子諸侯名魯祖為皇考此士亦云皇祖故云尊之也筮

者許諾還即席西面坐卦者在左卒筮寫卦筮者執以

示主人

還音環 士之筮者坐著短由便卦者主畫地識爻爻備以方寫之 疏曰云士之筮者坐著

短由便者少牢云史釋贖立筮鄭注云卿大夫之著長

五尺立筮由便與士不同知著有長短者案三正記云

天子著長九尺諸侯七尺大夫五尺士三尺是也經云

卒筮寫卦乃云筮者執以示主人則寫卦者非筮人教

鄭云卦者主畫地識主人受視反之還筮者還東面長

交爻備以方寫之也

占卒告于主人占曰吉

長占以其年之長幼旅占之 疏曰經直云長占知非長者一

人而云長幼旅占之者士冠禮云筮人還東面旅占者明此亦是長幼旅占經直云長者見從長者為始也若

不吉則筮遠日如初儀

遠日旬之外日 疏曰衆曲禮云吉事先近日喪事先遠日此

尊卑禮同也又云旬之內曰近某日旬之外曰遠某日此尊卑有異云旬之內曰近某日據士禮而言若大夫已上假令孟月祭於前月下旬筮來月之上旬不吉入於孟月之上旬筮中旬中旬不吉又於中旬筮下旬下句又不吉即止不祭令云遠日旬之外日者謂士禮上句不吉更於上旬外筮中旬為句之外日非謂如大夫已上旬之外謂宗人告事畢旬前為旬外也

右筮日

前期三日之朝筮尸如求日之儀命筮曰孝孫某諏此

某事適其皇祖某子筮某之某為尸尚饗

三日者賓賓視濯也某

之某者字尸父而名尸連言其親庶幾其馮依之也大
夫士以孫之倫為尸馮音憑疏曰前期二日宿賓
一日視濯北經乃祭前三日筮尸故鄭云容宿賓視濯
言容者為筮尸之後祭日之前有二日容此二事也經
直云某之某鄭知字尸父而名尸者曲禮云為人子者
祭祀不為尸然則尸卜筮無父者又云卒哭乃諱諱則
不稱名故知尸父云某是字尸既對父故某為名云連
言其親庶幾其馮依之也者尸父前世與所祭之父同
時同時必相識知今又筮其子為尸尸又與所祭之父
相識父子皆同類故連言其親庶幾其神馮依之也云
大夫士以孫之倫為尸者案祭統云夫祭之道孫為王
父尸所使為尸者於祭者子行也父北面而事之所以
明子事父之道也注云祭祖則用孫列皆取於同姓之
適孫也天子諸侯之祭朝事庭尸於戶外是以有北而
事尸之禮如是則天子諸侯宗廟之祭亦用孫之倫為
尸而云大夫士者但天子諸侯雖用孫之倫取卿大夫

有爵者為之故鬼覺詩祭尸之等皆言公尸又曾子問云卿大夫將為尸於公若大夫士祭尸皆取無爵者無問成人與幼皆得為之故曾子問孔子曰祭成喪者必有尸尸必以孫孫幼則使人抱之是也

右筮尸

乃宿尸

宿讀為肅肅進也進之者使知祭日當來凡宿或作速記作肅周禮亦作宿疏曰凡宿或作

速謂一部之內或作速者若公舍大夫速宿是也記作肅者曲禮云主人肅客而入是也同禮亦作宿者大宗伯宿眠滌濯是也主人立于尸外門外子姓兄弟立于

主人之後北面東上

不東而耆來不為賓客子姓立于主人之後上當其後疏曰云不

東面者為尸者父象主人有子道故主人北而不為賓客不敢當尊故不東面冠禮宿賓主人東而北北面不

同也云上當其後者子姓兄弟北面陪主人後東尸如頭為上者不得過主人故為上者當主人之後

主人服出門左西面不取南面當尊疏曰少牢云主人即位於廟門外之東方南面以

其大夫尊有君道故南面當尊此士主人辟皆東面北之孫倫為尸雖被宿猶不取當尊也

上辟芳盆反一主人再拜尸答拜主人先拜尊尸疏曰下文宿賓賓先拜

主人乃答拜今此尊尸是以主人先拜也祭少牢云吉則遂宿尸祝擯主人再拜稽首告曰孝孫某云云尸拜

許諾祝先釋辭訖尸乃拜此尸答拜後宗人乃擯辭者士尸卑主人拜尸即答拜不得擯辭訖大夫之尸尊尊

得釋辭宗人擯辭如初卒曰筮子為某尸占曰吉敢宿訖乃拜

宗人擯者釋主人之辭如初者如宰贊命筮尸之辭卒曰者著其辭所易疏曰云如初者如宰贊命筮尸之

辭祭筮尸時雖不見宰贊命以其云筮尸如求日之儀
筮日時有宰贊命則筮尸時亦有宰贊命可知故此得
如之也去卒曰者著其辭所易也者前筮尸祝許諾致
辭云筮某之某為尸尚饗易已上之辭也

命受宗人辭許之傳命於尸始宗人祝北面至於傳命
皆西面受命東面釋疏曰上文始時主人與子姓

兄弟立于尸門外北面重行則宗人與祝相隨亦皆北
面故云始宗人祝北面至于尸出門左西面主人避之

門西東面定位訖宗人進主人之前西面鄉之受尸許
命受命訖尸既西面明宗人旋鄉東面釋之可知尸許

諾主人再拜稽首其許亦宗人受於祝而告主人疏
曰祝受尸許諾辭旋西面告宗人宗

人告主人尸許諾尸入主人退相揖而去尸不拜送尸
主人乃再拜稽首

者約下篇少牢云主人退尸送揖不拜是也此尸不送
者士卑故尸被宿之後不送也大夫尊尸雖受宿猶送

大夫也

右宿尸

宿賓賓如主人服出門左西面再拜主人東面答再拜

宗人擯曰某薦歲事吾子將涖之敢宿

涖音利又音類薦進也涖臨

也言吾子將臨之知賓在有司中今特肅之尊賓耳疏曰以上無戒文今宿之云吾子將涖之明知賓在有司內可知樂前文有司羣執事如兄弟服東而北上鄭云士之屬吏此云賓在有司內則賓是士之屬吏可知下記云公有司門西北而東上獻次衆賓私臣門東北面西上獻次兄弟賓是士之屬吏內言私臣據已自辟除者言公有司者是士之屬吏命於其君者言賓在有司中者諸士選以為賓以下若在門外時同在門西東

面北上及其入為賓及眾賓者通西階以俟行事公有
司不選為賓者門西北面私臣不選為賓門東北面門
外不列者以其未有事入門而列者為將行事公有司
門西私臣門東二者皆無事故經不見記人乃辨之見
其與於獻也今特肅之尊賓耳者賓有司之
內不嫌不助祭今特宿之者將使為賓也 賓曰某敢
不敬從主人再拜賓答拜主人退賓拜送

右宿賓

厥明夕陳鼎于門外北面上有鼎

亡狄反 宿賓之明日夕門

厥其也

外北面當門也古文鼎為器 疏曰經直云門外不言
門之東西故知當門下篇少牢陳鼎在門東北此當門者
士卑避太 於在其南南順實獸于其上東首 於庶反
夫故也 順猶從

也。按之制如令大木。繫矣。上有四周。下無足。獸脂也。

舉音預。

疏曰：下篇少牢牲北首，東上。司馬到羊司士。

繫豕，宗人告備，乃退，不言獸。少牢五鼎，明有獸可知。不言之者，已有二牲略其小者，故不言也。下文牲在西北。

首，東足。此實獸。按工，東首不與牲相統，故云變吉。云按之制如令大木，繫者，鄭舉漢法以曉古諸禮禮記及儀。

禮言按者，以無足解之。云獸脂也者，特牲三鼎言豕魚脂案同。禮脂久，鄭注云：小物全乾為脂。故知豕云牲魚。

水物云獸。

牲在其西北首，東足。

其西按西也。東足者，尚右也。牲不用按，以其生。

疏曰：豕不可牽之，縛其足，陳於門外。豕北出，按東其足，寢其左，以其同人尚右，將祭故也。云牲不用按，以其。

生者對脂死。設洗于阼階東南，壺禁在東，序豆籩銅在。

東房南上几，席兩敦在西堂。

銅音利，敦音對。又都受反。後放此。東房房中之東。

當夾北西堂西夾室之前近南耳夾古洽反劉古協反後皆同疏曰大夫士直有東房西室若言房則東

房矣故士冠禮陳服于房中西墉下東領北上不言東又昏禮側尊甒醴于房中亦不言東如此之類皆不言

東以其直有一房不嫌非東房故不言東今此經特言東房明房內近東邊故云東房也又與少牢邊豆所陳

相反少牢近於西方此經則房中之東也夾室半以南為之以壁外相望則當夾北言當夾北者以其夾室在

房近南東故云房中之東當夾北也云西堂西夾之前近南耳者案爾雅注夾室前堂謂之相此在西堂在西

相故云西夾主人及子姓兄弟即位于門東如初筮之前近南也主人及子姓兄弟即位于門東如初筮

賓及衆賓即位于門西東面北上不言如初者以賓在而宗人祝不在疏

曰上經主人及子姓兄弟即位于門東如初筮位今賓及衆賓者即是前者有司羣吏執事當言如初不言者

以宰前筮時在門東贊主人辭令宰在門西同行又宗人祝離位賓西北東面南上異於筮位時故不言如初也
宗人祝立于賓西北東面南上
事彌至位彌異宗人祝於祭宜近廟疏

曰祭事彌至位彌異者謂宗人祝近門離本位故云位彌異
主人再拜賓答再拜三

拜衆賓衆賓答再拜
衆賓再拜者士賤旅之得備禮也疏曰三拜衆賓謂衆賓無問多

少摠三拜之旅衆也衆賓答再拜者士賤衆賓得備禮案有司徹衆賓皆答一拜注云人人從上至下皆一一

獨答拜以卿大夫尊賓賤純臣故也
主人揖入兄弟從賓及衆賓從即位

于堂下如外位
從如字又下用反後以意求之為視濯也
宗人升自西階

視壺濯及豆籩反降東北面告濯具
濯溉也不言敦鉶者省文也東北面

告緣賓意欲聞也言濯具不言絜以有几席疏曰上文初饌時云豆籩鉶在東房明敦及鉶亦視可知不言

敦鉶者省文故也云東北而告緣賓意欲聞也者經云即位于堂下如外位則主人在東階之下宗人降自西

階宜東面告濯具以賓在西亦欲聞之故也云言濯具不言絜以有几席者凡洗濯當告絜不洗者告具而已

几席不在洗內故直告濯具不言絜嫌通几席亦在洗濯之限賓出主人出皆復外位

為視也宗人視牲告充雍正作豕充猶肥也雍正官名也牲也

氣疏曰經云作是動作之言故知以策動作豕云視聲氣者祭祀之牲當充盛肥若聲氣不和即是疾病不

堪祭宗人舉獸尾告備舉鼎鼎告絜備具請期曰彘飪而

反肉謂之彘飪孰也謂明日質明時而曰肉孰重豫勞賓宗人既得期西北面告賓有司疏曰案少牢云

宗人旦明行事此不云旦明行事而云羹飪者彼大夫尊有君道可以豫勞賓故云時節此士卑無君道故不云旦明而云羹飪是以鄭云重豫勞賓羹飪乃來也云宗人既得期西北面告賓有司者門外賓位在門西東面令既得期西北面告賓與有司使知祭日當來也告事畢賓出主人拜送

右陳鼎拜賓視牲告期 記設洗南北以堂深東

西當東榮

榮屋翼也

水在洗東

祖天地之左海

篚在洗西南順

實二爵二觚四觶一角一散

順從也言南從統於堂也

二爵者為賓獻

爵止主婦當致也二觚長兄弟酌奠其三長兄弟酌二人班同迎接並也四觶一酌奠其三長兄弟酌

賓卒受者與賓弟子兄弟弟子舉解於其長禮殺事相接禮器曰賓者獻以爵賤者獻以散尊者舉

解卑者舉角舊說云爵一升觚二升解三升角四
升散五升疏曰云二爵者以一爵獻尸尸奠之
未舉又一爵主婦當致者案經主婦致爵於主人婦
人不見就堂下洗當於內洗則主婦致爵於主人
時不取堂下爵而云主婦當致者謂主婦當受致
之時用此爵也云四解一嗣子舉奠啐酒奠于銅
南餘有三在主人洗一解酬賓奠於薦北賓舉奠
於薦南此解又未舉餘有二解在又長兄弟洗解
為加爵衆賓長為加爵如初爵止此解亦未舉餘
有一解在尸羞之後賓始舉奠解行旅酬辯卒受
者以虛解奠于干篚還有二解至為加爵者作止
爵長兄弟亦坐舉其奠解酬賓如賓酬兄弟之儀
以辯卒受者未實解於篚時賓弟子兄弟弟子洗
解各酌舉解于其長即用其篚二解是三解並用
也故注云卒受者與賓弟子兄弟弟子舉解於其
長也云禮器曰賓者獻以爵者謂賓長獻尸主人

致爵於主婦是也賤者獻以散上列洗散是也尊者舉觶謂若酌奠之及長兄弟酬賓之等是也卑者舉角謂主人獻用角鄭云不用爵者下大夫也則大夫尊用爵士卑用角是也

壺於禁

饌于東序南順覆兩壺焉蓋在南明日卒奠冪用

綌即位而徹之加勺

覆壺者盥澀水且為其不宜塵冪用綌以其堅潔禁言於

者祭尚厭飫得與大夫同器不為神戒也疏曰未奠不設冪卒奠乃設之故曰卒奠冪用綌於之與禁因物立名大夫尊以厭飫為名士卑以禁戒為稱復以有足無足立名故禮記注云無足有似於於士曰禁由有足以士虞禮云尊于室中兩甔醴酒無禁禁由足生名禮記云大夫用於士用禁及鄉飲酒鄉射皆非祭禮是以雖大夫去足猶存禁名至祭則去足名為於禁不為神戒也

風興主人服如初立于門外東方南面視側殺風起也

主人服如初則其餘有不玄端者側殺殺一牲也疏

曰案下記云持牲饋食其服皆朝服玄冠緇帶緇鞶注

云於祭服此也皆者謂賓及兄弟筮日筮戶視濯亦玄

端至祭而朝服朝服者諸侯之臣與其君日視朝之服

大夫以祭今賓兄弟緣孝子欲得嘉賓尊客以事其祖

禍故服之緇鞶者下大夫之臣風興主人服如初則固

玄端是也鄭云其餘有不玄端者明亦有著玄端者疑

以下記人辨之云唯尸祝佐食玄端玄裳黃裳雖裳可

也皆爵鞶鄭注云與主人同服是有同服者有著朝服

者故鄭云其餘有不玄端者也云視側殺也者國語云

禘郊之事天子必自射其牲諸侯降天子故宗廟亦親

殺大夫士不敢與君同故視之而不親親之側殺殺一

牲者案冠禮云側尊一觶醴在服北鄭注云側猶特也

無偶曰側以其無玄酒是以少牢云司馬刲羊司十絜

豕以其二牝不云側也

主婦視饔饔于西堂下

饋尺志反搜曰饋宗婦為之

饔饔也西堂下者堂之西下也近西壁南齊于坵古文饔作藉同禮作饔疏曰主婦視饔饔明主婦自為也

云饔饔也者周公制禮之時謂之饔至孔子時則謂之竈云西堂下者堂之西下也者以其為饔不可正在堂

下當通西壁為之故云堂之西下近西壁又知南齊于坵可知主婦視饔饔猶主人視親牲亨于門

外東方西面北上

亨普庚反亨煮也煮豕魚腊以饋各一饗詩云誰能亨魚漚之釜鬻

鬻音尋疏曰少牢云羹定雍人陳鼎五三鼎在羊鑊之西二鼎在豕鑊之西羹饔實鼎陳于

門外如初

初視濯也

尊于戶東玄酒在西

戶東室戶東玄酒在西尚之凡尊酌

者在左疏曰若據房戶東西則舉東房而言今直云戶東故知室戶東也云玄酒在西尚之凡尊酌者在左

者左為上尊今云玄酒在西故云尚之是以鄉飲酒鄉射皆玄酒在西尊酒在東若燕禮大射唯君西尊不從此義

實豆籩釧陳于房中如初

如初者取而實之既而反之

籩者取豆籩實之又言陳于房中執事之俎陳于階間

列比上

執事謂有司及兄弟二列者因其位在東西祝主人主婦之俎亦存焉不升鼎者與於神

曰鄭知經執事之俎祝主人主婦亦存焉者見士虞記祝俎陳于階間敦東彼虞不致爵故不見主人主婦俎

明此吉祭有致爵主人主婦陳于階間可知以主婦亦是執事之人也少牢主人主婦無俎者以三獻禮成為

備尸正祭無致爵故主人主婦無俎備尸行三獻致爵乃有俎下大夫不備尸者亦於三獻尸爵止行致爵乃

有俎也云不升鼎者異於神者前俎升鼎而入設於階前此鼎在門外不入而言陳於階間二列故知不升鼎

盛兩敦陳于西堂藉用萑几席陳于西堂如初

反藉音蕪夜

完盛黍稷者徐婦也菴細葦古文用為于

疏

尸盥

匱水實于槃中簞巾在門內之右

設盥水及巾尸尊不就洗又不揮門內之

右象洗在東統于門東西上凡鄉內以入為左右鄉外以出為左右疏曰云不揮者揮振去水使手乾今有

巾故不揮也是以僖二十三年左氏傳云公子重耳在秦秦伯納女五人懷贏與焉奉匱沃盥既而揮之懷贏怒是也云門內之右象洗在東者東謂門

祝筵几于室

中東面

為神歆席也至此使祝接神疏曰案上視濯時云宗人祝立于賓西北東面南上鄭注云事

彌至位彌異宗人祝於祭宜近廟至入廟時宗人獨升視濯及出門外視牲告充未有使祝之文至此臨祭使

祝數神席故云主婦纓笄宵衣立于房中東面纓所買反又所

綺反主婦主人之妻雖姑存猶使之主祭祀纓笄宵服宵綺屬也此衣染之以黑其繒本名曰宵詩有素衣

朱宵記有玄宵衣几婦人助祭者同服也內則曰舅沒則姑老寡婦所祭祀賓客每事必請於姑疏曰云雖

姑在猶使之主祭祀者謂姑老不堪祭祀故姑存猶使之主祭祀也云纓者謂若士冠纓廣終幅長六尺笄安

髮之笄非冠冕之笄冠冕之笄男子有婦人無若安髮之笄男子婦人俱有婦人笄對男子冠故內則云男女

未冠笄又喪服小記云男子冠而婦人笄是也云宵衣是綾綺之屬鄭注內司服云男子祿衣黑士喪禮有祿

衣與士冠玄端為一玄端黑是男子祿衣亦黑則此婦人宵衣亦黑可知其玄則黑類也故鄭引玉藻君子狐

青裘玄宵衣以褐之證婦人玄宵衣亦黑也云其纓本名宵者此字據形聲為纓但詩及禮記儀禮皆作宵字

故鄭云其繒本名田宵故引詩及禮記為證引詩者直取字為證引記謂禮記玉藻非直取證字為宵亦以證婦人宵衣為立也云凡婦人助祭者同服也者經及記不見主婦及宗婦異服之文故知同服對男子助祭祀佐食等與主人服異也少牢云主婦贊者一人亦鬢髻衣移袂與主婦同其餘雖不移袂同亦宵衣可知內司服天子諸侯王后以下助祭皆不同者主人及賓兄弟人君尊卑差等大夫士卑服窮則同也

羣執事即位于門外如初宗人告有司具具猶辨也主人拜

賓如初揖入即位如初初視濯也佐食北面立于中庭佐食賓佐

尸食者立于宗人之西疏曰案下記云佐食當事則戶外南面無事則中庭北面據此而言則此經謂無事時也云立于宗人之西者特牲吉禮主人行事而阼階宗人亦在阼階南擯主人佐食北面於中庭明在宗人

之西
可知

右祭日夙興主人主婦陳設拜賓即位 記特牲

饋食其服皆朝服玄冠緇帶緇鞶

於祭服此也皆者謂賓及兄弟

筮日筮尸視濯亦玄端至祭而朝服朝服者諸侯之臣與具君日視朝之服大夫以祭今賓兄弟緣

孝子欲得嘉賓尊客以視其祖禰故服之緇鞶者下大夫之臣夙興主人服如初則固玄端 疏曰

上經云筮日主人冠玄端子姓兄弟如主人之服有司羣執事如兄弟服筮尸云如求日之儀至於

視濯又不見異服故知皆玄端至祭日夙興云主人服如初初即玄端明其餘不如初是朝服可知

是以此註云皆者謂賓及兄弟也云朝服者諸侯之臣與其君日視朝之服大夫以祭者案玉藻云

諸侯朝服以日視朝下少牢云主人朝服是也緇下大夫之臣者士冠禮云主人玄冠朝服緇帶素鞵鞵與裳同色大夫之臣朝服素鞵此緇鞵故云下大夫之臣云夙興主人服如初則同玄端引上經者直言皆朝服恐主人亦在其唯尸祝佐食中故引證主人服玄端與兄弟異也

玄裳黃裳雜裳可也皆爵鞵

與主人同服周禮士之齊服有玄端素端

然則玄裳上士也黃裳中士雜裳下士疏曰周禮司服士之齊服有玄端素端引之者欲見士之齊服有一玄端而裳則異故鄭云然見玄端一而裳有三也士冠亦有玄端三等裳而引司服者以特牲祭祀時彼據齊時四命已上齊祭異冠大夫齊祭同冠故就此祭祀引齊時冠服為證也

牲饔在庑門外東南魚腊饔在其南皆西面饔饔

在西壁

鑄炊也西壁堂之西牆下舊說云南北直屋栢攪在南 疏曰上經云主婦視鑄繫

于西堂下雖是西堂下通西壁為之故以舊說辨之也舊說者案爾雅釋宮曰檐謂之摘孫氏云謂

屋栢周人謂之栢齊人謂之檐調承檐行材

簾巾以綌也纁裏棗烝

栗擇籩有巾者果實之物多皮核優尊者可以烝裏之也烝擇互文舊說云纁裏者皆玄被

裏之音栗 疏曰言多皮核者栗多皮棗多核

鉤笔用苦若薇皆有滑

夏葵冬菹

苦苦茶也菹莖屬乾之冬滑於葵詩云周原膴膴莖茶如飴 疏曰莖冬乾用

之不用葵而用莖明知冬則滑於葵也詩言莖茶即莖之類也

主人及祝升祝先入主人從西面于戶內

祝先入接神宜在前也少

牢饋食禮曰祝盥于洗升自西階主人盥升自阼階祝先入南面疏曰注引少牢者證主人戶內西而其時祝北墉下南面以其未有祝行事之法直監納祭而已下文乃云祝在左為孝子釋辭乃有事也主婦

盥于房中薦兩豆葵菹蜎醢醢在北

蜎力禾反主婦盥于房中洗

婦洗在北堂直室東隅直音值

宗人遣佐食及執事盥出

命之盥出當助主人

及賓主人降及賓盥出主人在右及佐食舉牲鼎賓長

在右及執事舉魚腊鼎除鼎

長丁丈反下注放此與也主人在右統於東主

人與佐食者賓尊不載少牢饋食禮魚用鮒腊用麋士腊用兔鮒音附疏曰鼎在門外北上東為右人西

為左人右人尊入時在鼎前左人卑入時在鼎後主人升乃以東為主今在堂下主人在右故云統於東也賓

尊不載者以賓主當相對為左右以賓尊不載牲以故使佐食對主人使賓為右人而使執事在左而載也

宗人執畢先入當阼階南面

畢狀如叉蓋為其似畢星取名焉主人親舉宗人則

執畢導之既錯又以畢臨七載備失脫也雜記曰北用桑長三尺畢用桑三尺刊其本與朱北畢同材明矣今

此北用棘心則畢亦用棘心疏曰云蓋為其似畢星取名焉者桑詩云有桓天畢戴施之行無正文故云蓋

以疑之也云主人親舉宗人則執畢導之以經言宗人執畢先入是導之也又知既錯又以畢臨七載備失脫

也者以經云當阼階南面門鄉主人執畢臨七載備失脫可知也云今此北用棘心則畢亦用棘心者桑下記

云棘心七刺是也雜記喪祭七畢同鼎西面錯右人抽用桑吉祭七用棘心則畢亦棘心也

高委于鼎北

右人謂主人及賓贊者錯俎加七贊者執既錯皆西面俟也

從鼎入者其錯俎束縮加匕東柄既退而左人北面

也

疏曰

云其錯俎束縮加匕東柄者少牢云俎皆設

于鼎西西肆又云匕皆加于鼎東榜則此加匕于鼎東

柄可

知云既則退而左人北面也者以其俎從于鼎西

其人當北面於其南載之便是以乃杞右人也尊者於

祭禮亦

云北面載執而佐是也

乃杞

右人也尊者於

人載佐食升所俎鼎之設于阼階西所音祈所謂心

之

佐食升所俎鼎之設于阼階西

所音祈所謂心

曰所之為言敬也言主人之所以敬尸之俎古文鼎皆

作審

疏曰下記云所俎心舌皆去本末午割之實於

牲鼎載心立舌縮俎是也引郊卒載加匕于鼎卒已也

特牲者

見敬有所俎送于尸前卒載加匕于鼎已載畢

亦加焉疏曰主人匕牲體宗人以畢助之主主人

匕事訖

加之於鼎則宗人既事亦加於鼎可知主人

升入復位俎入設于豆東魚次腊特于俎北入設俎載

升入

復位俎入設于豆東魚次腊特于俎北

入設俎載

要方也凡饌必方者明食味人之性所以正疏曰知
載人設俎者以其經卒載下即云入設不見別人明是
載者設可知云腊特饌要方也者案經豆在神坐之前
永俎入設於豆東魚俎又次其東若腊俎復在東則饌
不得方故腊俎特于主婦設兩敦黍稷于俎南西上及
俎北取其方故也

兩鉶笔設于豆南南陳

笔亡報反以其少可親之

宗婦不贊敦鉶者

疏曰

案少牢主婦設金敦宗婦贊三敦以其多故使宗婦
贊此士祭祀二敦少故不使宗婦贊主婦可親也祝

洗酌奠奠于鉶南遂命佐食啓會佐食啓會卻于敦南

出立于西南面

會古外反禮啓會乃奠之

酌奠奠其爵解少牢饋食

疏曰列少牢者案少

牢祝酌奠遂命佐食佐食啓會乃奠

者彼大夫禮與此士禮相變是以異主人再拜稽首祝

在左

稽首服之甚著祝在左當為主釋辭於神也祝祝曰孝孫某敢用剛鬣嘉薦普淅用薦某事於皇祖

某子尚饗祝曰州又反淅女孝反疏曰引少牢祝祝已下者欲見迎尸之前釋孝子之辭也

卒祝

主人再拜稽首

右主人主婦及祝佐食陳設陰厭記棘心七刻

刻若今龍頭

凡祝呼佐食許諾

呼猶命也

肝俎心舌皆

去本末午割之實于牲鼎載心立舌縮俎

午割從橫割之

亦勿沒立縮順其牲心舌知食味者欲尸之饗此祭是以進之疏曰云載心立舌縮俎者少牢云

舌皆切本末亦午割勿沒其載于肝橫之此言縮俎者彼言橫據俎上為橫此言縮據俎人為縮是

以少牢云皆進下是也云亦勿沒者亦少牢文謂四面皆鄉中央割之不絕中央少許謂之勿沒也

祝迎尸于門外

尸自外來代主人接之就其次而請不拜不敢與尊者為禮周禮掌次凡祭祀

張尸次疏曰云尸自外來代主人接之者下注云主人不迎尸成尸尊故也云就其次而請不拜不敢與尊者

者為禮者凡平賓客皆在門西主人出門左西面拜令此經直云迎尸于門外不言祝拜尸答拜是祝出就次

尸乃出次迎之而人門是不敢與尊者主人降立于阼為禮引周禮者證門外張尸次之事也

階東

主人不迎尸成尸尊尸所祭者之孫也祖之尸則主人乃宗子禰之尸則主人乃父道事神之禮廟

中而已出迎則為厭厭一禁反疏曰祭統云君迎牲而不迎尸別嫌也尸在廟門外則疑於臣在廟中則

全於君君在廟門外疑於君入廟門則全於臣全於子鄭云不迎尸者欲全其尊也尸神象也鬼神之尊在廟

中人君之尊出廟門則伸此士禮雖無若道亦尊尸主人不迎迎之尊不成不迎乏則成尸之道尊也云尸所祭者之孫也者禮記云孫為王父尸是也云祖之尸則主人乃宗子者以其祭祖兄弟來助祭大宗五宗皆然書傳云宗子將有事族人皆入侍也云彌之尸則主人乃父道者祭統云孫為王父尸所使為尸者於祭者子行也父北而事之所以明子事父之道也此父子之倫也注云祭祖則用孫列皆取於同姓之嫡孫是其禍之尸則主人乃父道也云事神之禮廟中而已出迎則為厭出廟門主人有君厭臣之義故不迎也尸入門左北面盥宗人授巾侍緇者執其器就之執簞者不授巾賤也宗人授巾庭長尊少牢饋食禮曰祝先入門右尸入門左尸尊不就饌樂匝巾見上經陳盥在門右今尸入門左尸尊不就饌樂匝巾等鄉門右就尸至于階祝延尸尸升入祝先主人從進延尸之義也

在後詔侑曰延禮器所謂詔宥武方者也少牢饋食禮曰尸升自西階入祝從主人升自阼階祝先入主人從

侑音又武音無

疏曰云在後詔侑曰延者案士虞

禮尸謾祝前鄉尸鄭注云前道也祝道尸必先鄉之為

之節彼祝居尸前道之此則在尸後詔之故云延也云

禮器所謂詔侑武方者彼注武無也祝詔侑尸無常謂

若檀弓子事父母

尸即席坐主人拜安尸

安他果反

左右就養無方也

尸答拜執奠祝饗主人拜如初

饗勸強之也其辭取于士虞記則宜云孝孫某

主為孝薦之饗舊說云明薦之

強其丈反

疏曰喪

祭稱哀吉祭稱孝故士虞記卒哭饗尸辭曰哀子某主

為哀薦之饗此既吉祭宜云孝孫某主為孝薦之饗以

其改哀云孝故曰宜云也引舊說者證主為絜明之義

也祝命按祭尸左執觶右取菹換于醢祭于豆間

按依

墮許志反劉相志反後墮祭授祭皆放此命詔尸也
授祭祭神食也士虞禮古文曰祝命佐食墮祭周禮曰
既祭則藏其墮墮與授讀同耳換醢者染於醢換如
悅反劉而玄反又而誰反授同疏曰鄉者設饌未迎
尸陰厭厭飲神今尸來升席而授祭祭訖當食
神餘引周禮而云墮與授讀同則二字通用佐食取

黍稷肺祭授尸尸祭之祭酒啐酒告旨主人拜尸奠解

答拜啐七內反肺祭判肺也旨羹也祭酒穀味之芬
芬者齊敬共之唯恐不美告之羹遠其心明神享

之判寸本反齊側皆反共音恭疏曰知肺祭是判
肺也者下記判肺三鄭注為尸主人主婦此經云肺祭

明是判肺祭釠嘗之告旨主人拜尸答拜釠肉味之有
非舉肺也祭釠嘗之告旨主人拜尸答拜釠和者曲禮

曰客祭羹主人辭不能亨和尸卧反下同祭立廬反
疏曰云釠肉味之有菜和者此即公食大夫牛釠羊

苦豕薇之等是也以其盛之銅器因號羹為銅升曲禮者證銅羹有五味調和繁者調和之義故告旨若大羹則不調以鹽菜祝命爾敦佐食爾黍稷于席上爾近也無絜調之理也

尸之設大羹湑于醢北湑去反大羹湑煮肉汁也食也

不祭不齊大羹不為神非盛者也士虞禮曰大羹湑自門入今文湑皆為汁疏曰云醢北者為薦左繁公食

大夫祭禮大羹湑皆在薦右北在左者神禮變於生人士虞禮大羹湑設于銅南在右與生人同云不和貴其

質者桓二年左氏傳云大羹不和以鹽菜是貴其質也云不為神者陰厭時未設尸來始設為尸故士虞記云

無尸則禮及薦饌皆如初不接祭無大羹湑戴從獻有尸即有大羹湑從獻繼有亦不祭不齊是不為神為尸

非盛者也引士虞禮曰大羹湑自門入者證迎尸後乃從獻來也舉肺脊以授尸尸受

振祭饗之左執之

肺氣之主也。脊正體之貴者。先食。所以導食通氣。先悉薦反。又如

字昭七

乃食食舉

舉言食者。明凡解體皆連肉。乃食謂食肺云。食舉謂骨體正脊從

舉舉鄉口。因名體為舉。凡牲體或七或二十七皆舉。骨節而言。今言食不可空食骨。以體皆連肉也。主人

差所俎于腊北

所俎主於尸主人親羞敬也。神俎不親。設者貴得賓客以神事其先。疏曰云

所俎主於尸者。以其人後乃設之。故知主於尸。生人親進者。敬尸故也。前神俎使載者。設之者。欲得尊賓嘉客。以事其先。尸三飯告飽祝侑主人拜

三飯告飽禮一成也。侑勸也。或曰又勸之。

使又食少牢饋食禮侑辭曰。皇尸未實侑也。

佐食舉幹尸受振祭饗之佐食

受加于所俎舉獸幹魚一亦如之

幹長脅也。獸腊其體數與牲同。疏曰幹

長脅出下記云獸腊其體數與牲尸實舉于菹豆為將

同者亦見下記云腊如牡骨是也

蓋舉謂佐食羞庶羞四豆設于左南上有醢庶衆也衆

肺脊所以為異味四豆者醢炙載醢南上者以醢炙為上以

有醢不得綽也醢許堯反炙章夜反下同疏田案

公食大夫云旁四列西北上脚以東臚醢牛炙炙南醢

以西牛載醢注云先設醢綽之次也此四豆有醢則不

得先設非綽之次故也又復一醢不得與載炙相對相

對之法炙在南醢在北載在北醢在南如此見得綽故

少牢云韭菹醢醢蔡菹臚醢韭菹在南蔡菹在北綽又

云羞載兩瓦豆有醢亦用瓦豆設于薦豆之北注云四

豆亦綽羊載在南豕載在北皆有醢亦得尸又三飯告

綽者以其四豆載醢具相對故鄭云綽也

飽祝侑之如初禮再舉骼及獸魚如初尸又三飯告飽

祝侑之如初音格又音各後同禮三成獸魚如初者獸格魚一也舉肩及獸魚

如初不復飯者三三者士之禮大成也非先正脊後肩

同三進簪反疏曰先舉正脊自上也次舉脅即卻也

後舉骼即下絳終舉肩即前也前者牲體之始後者牲

體之終故云佐食盛所俎俎釋三个佐食取牲魚脂之

歸尸俎釋三个為改饌于西北隅遺之所釋者牲脂則

正脊一骨長脅一骨及膈也魚則三頭而已个猶枚也

今俗言物數有若干个者此讀然盛音成膈乃報反

脂則正脊一骨長脅一骨及膈也知者案下記云尸舉

右肩臂膈肱脰正脊二骨橫脊長脅二骨短脅今尸舉

正脊一骨長脅一骨及膈肩則脊脅各有一骨在前脚

三節後脚二節各舉其一訖前脚舉肩訖宜次盛臂後

脚舉胙訖宜次盛肫前後各一節及橫脊以舉肺脊加歸前脚唯有肫在并脊脊各一骨為三也

于所俎反黍稷于其所也尸授佐食佐食受而加之反之

云肺脊加于所俎鄭知尸不自加而授與佐食佐食受而加之者約少牢云上佐食受尸牢肺正脊加于所鄭注云受者尸授之也云肺脊初在菹豆者上文云尸實舉于菹豆是也主人洗角升酌醕

尸醕以刃反又士刃反醕猶衍也是獻尸也云醕尸者尸既卒食又欲頤衍養樂之不用爵者下大夫也

因父子之道質而用角角加人事略者今天醕皆為酌疏曰經云醕尸知是獻尸者下有主婦洗爵獻尸并

賓長獻尸故知此是主人醕尸也云不用爵者下大夫也者少牢云主人降洗爵酌酒乃醕尸用爵不用角也

云因父子之道質而用角因無臣助祭父子相養之道而用爵次當用觚而用角因無臣助祭父子相養之道而

用角者父子是質角加尸拜受主人拜送尸祭酒啐酒

賓長以肝從

疏曰此直言肝從亦當如少牢賓長羞牢肝用俎縮執俎肝亦縮進末鹽在右此

亦不言者尸左執角右取肝換于鹽振祭齊之加于俎

豆卒角祝受尸角曰送爵皇尸卒爵主人拜尸答拜

送

爵者節主人拜

右迎尸正祭記沃尸盥者一人奉槃者東面執

匱者西面淳沃執巾者在匱北

匱北執匱之北亦西面每事各一人

淳沃稍注之今文淳作漱宗人東面取巾振之三南面授尸卒

執巾者受

宗人代授中庭長尊

尸入主人及賓皆辟位出

亦如之

辟位遠適

尸俎右肩臂肱肱肱正脊二骨橫

脊長脅二骨短脅

尸俎神俎也士之正祭禮九體貶於大夫有併脅二亦得十一

之名合少牢之體數此所謂放而不致者凡俎實之數奇脊無中脅無前貶於尊者不貶正脊不奪

正也正脊二骨長脅二骨者將舉於尸尸食未飽不欲空神俎疏曰云亦得十一之名合少牢之

體數者謂少牢正體之數十一若牢並骨并數則十七鄭云此所謂放而不致者致至也所謂禮器

彼鄭注云謂若諸侯有山龍以下皆有放象諸侯山龍以下至日月星辰卿大夫又不山龍此士併

骨二數乃得十一除此唯九而已亦是放而不至也云凡俎實之數奇者有九有七有五奇數以

其鼎俎奇故實數亦奇而相稱也云脊無中脊無
前貶於尊者不貶正脊不奪正也者以少牢大夫
禮三脊脊具有此但有二體貶於大夫也等貶牲
體不貶正脊者不奪其正長脊亦不貶者義與正
脊同云正脊二骨長脊二骨者將舉於尸尸食未
飽不欲空神俎此脊與脊二骨木為饌厭飫所設
也

膚三

為養用二厭飫一也
養劉子峻反與餒同

離肺一

離猶撻也
小而長平

割之亦不提心謂之舉肺 疏曰云亦不提心者
言亦謂亦少儀云牛羊之肺離而不提心鄭注云
提猶絕也撻離之不

剗肺三

為尸主人主婦
祭今文剗為主婦
切魚十

有五

魚水物以頭枚數陰中之物取數於月十有
五日而盈少牢饋食禮亦云十有五而俎尊

卑同此所謂經而等也 疏曰云魚水物以頭枚
數者對三牲與腊以體數也云取數於月十有五

日而盈者案禮運云月三五而盈三五而闕文出於彼也云此所謂經而等者亦所謂禮器彼鄭注

云謂若天子以下至士庶人為父母三
年是也引之者諸魚數亦尊卑同也
腊如牲骨

不但言體以有一骨二骨者
疏曰云不但言體以有一骨二骨者若但言體體有九有十一則不

兼二骨者若言牲骨則一骨二骨兼在其中故直言如牲骨也

祝酌授尸尸以醋主人

醋才各反醋報也祝酌不洗尸不親酌尊尸也古文醋作酢

疏曰尸當酢主人宜親洗爵酌酒不親洗酌尸尊故也

主人拜受角尸拜送主人

退佐食授授祭

退者進受爵反位尸將餼主人佐食授之授祭亦使祭尸食也其授祭亦取黍

稷肺祭疏曰云授祭亦使祭尸食也者前祝命尸授祭祭神食令命主人祭尸食亦如尸祭神食故云亦也

云其授祭亦取黍稷肺祭者亦如上佐食主人坐左執

取黍稷肺祭授尸尸祭之相似故云亦也

角受祭祭之祭酒啐酒進聽嘏嘏古雅反聽猶待也

待尸授之以佐食搏黍授祝祝授尸尸受以菹豆執以

長大之福也

親嘏主人持大官反

饋食禮有焉獨用黍者食之主其辭則少牢

皆出盥于洗入二佐食各取黍於一敦上佐食兼受搏

之以授尸尸執以命祝卒命祝祝受以東北面于戶西

以嘏于主人但少牢不親嘏者大夫尸尊又大夫禮文

此親嘏者士尸卑禮賁故也云其辭則少牢饋食禮有

焉者案少牢云祝以嘏于主人曰皇尸命工祝承致多

福無疆于女孝孫來女孝孫使女受祿于天宜稼于田

眉壽萬年勿替引之是也云獨用黍者食之主者案上

文云爾黍于席上不云爾稷者以稷雖五穀之長不如

黍之美故云食之主

主人左執角再拜稽首受復位詩懷之實于

左袂挂于季指卒角拜尸答拜

挂俱賣反一音卦注同詩猶承也謂奉納之

懷中季小也實于左袂挂袪以小指者便卒角也少牢饋食禮曰興受黍坐振祭嘯之奉芳勇反疏曰左

手執角右手挂袪以小指不于左手言便卒角者飲酒之時恐其遺落故挂小指故云便卒角也主人

出寫嗇于房祝以籩受

變黍言嗇因事託戒欲其重稼嗇者農力之成功疏曰案

少牢云主人出宰夫以籩受嗇黍主人嘗之納諸內此大夫尊直見大夫出宰夫以籩受此主人寫嗇于房祝

以籩受以其士賤故也云變黍言嗇因事託戒欲其重稼嗇者以黍者五穀之名非農力成功之稱故以黍為

嗇欲其重稼嗇

右尸醕主人

筵祝南面

主人自房還時

主人酌獻祝祝拜受角主人拜送設

醢醢俎

之行神惠也先獻之佐食設俎

疏曰佐食接尸故後獻之祝接

神先獻之云醢醢皆主婦設之佐食設俎者前獻尸時
醢醢主婦設之亞獻及致爵於主人盞豆亦皆主婦設
之則此設醢醢亦主婦可知又知佐食設俎約少
牢主人獻祝佐食設俎故此亦佐食設俎可知

祝左

執角祭豆興取肺坐祭臠之興加于俎坐祭酒啐酒以

肝從祝左執角右取肝換于鹽振祭臠之加于俎卒角

拜主人答拜受角酌獻佐食佐食北面拜受角主人拜

送佐食坐祭卒角拜主人答拜受角降反于篚升入復

位

疏曰云主人答拜受角酌獻佐食者案上獻祝有俎此獻佐食不言俎者上經云執事之俎陳於階間二

列北上鄭注云執事謂有司以佐食亦在有司內者下記云佐食俎穀折脊脅也又下經賓長獻節鄭注云凡獻佐食皆無從其薦俎獻兄弟以齒設之若少牢獻佐食俎即設于兩階之間西上大夫將賓尸故即設佐食俎至於賓尸時佐食無俎也

右主人獻祝佐食 記祝俎髀臠脊二骨脅二骨

凡接於神及尸者俎不過牲三體以特牲約加其可併者二亦得奇名少牢饋食禮羊豕各三體

疏曰云祝俎直云脅二骨謂代脅也以尸俎無臠脊祝則有之尸俎無代脅祝俎有代脅可知云凡

按於神及尸者祝佐食賓長長兄弟宗人之等是也接神者謂祝與佐食佐食尸未入為神設俎卻會祝酌奠於銅南故曰接神也接尸者賓為三獻長兄弟為加爵尸與宗人授巾皆是與尸相接也知皆三體者下佐食俎殷折脊脅也賓路長兄弟及宗人折其餘如佐食俎故知皆三體也以特牲約加其可併者二骨者是尊祝也佐食也已下卑無加故下注云三體卑者從正是也云少牢饋食禮羊豕各三體者二牲各三體共六體不奇者通腊髀為七則亦奇數也以其腊既兩髀屬于凡不殊故為

膚一離肺一 佐食俎殷折脊脅

三體卑者從正

疏曰直云脊脅不定體名欲見得便用之少牢佐食俎設于兩階之間其俎折一膚鄭注云折者擇取牢正體餘骨折分用之有香

膚一離肺一

而無薦亦遠下尸是無定體也

主婦洗爵于房酌亞獻尸

亞次也次猶貳主婦貳獻不夾拜考士妻儀簡耳

少牢主婦亞獻尸時夾拜此士妻下之故云儀簡耳

尸拜受主婦北面拜送

北面拜者

辟內子也大夫之妻拜於主人北西面

云主婦洗于房中出酌入戶西面拜獻尸鄭注云入戶

西面拜由便也不北面者辟人君夫人也拜而後獻者當夾拜也又云尸拜受主婦主人之北西面拜送爵是

也若大夫妻貴辟人君夫人士

妻賤不嫌得與人君夫人同也

宗婦執兩籩戶外坐主

婦受設于敦南
兩籩黍稷黍在西
疏曰下記云籩中

者依士虞禮云主婦亞獻尸時云自反兩籩黍稷設於會南黍在西鄭云尚黍稷吳故知也

祝贊籩

祭尸受祭之祭酒啐酒

籩祭黍稷之祭具祭之亦於豆
祭
疏曰上經尸授祭時云右

手取瓚換于醢祭于豆間又佐食取黍稷肺祭授尸尸祭之不言其處明亦祭於豆間今此祝贊籩祭亦不言其處亦祭于豆間又尸取燧資宰夫贊者取白黑以授尸尸受蕪祭于豆祭是籩兄弟長以燔從尸受振祭噉之反豆同祭于豆間也

之燔音煩 燔炙肝也 疏曰羞燔者受加于所出者云反之者謂反燔于長兄弟

俟後事也 疏曰謂主婦獻祝之時更當羞燔于祝下文主婦獻祝籩燔從如初儀明獻祝時亦長兄弟羞燔可知故鄭注尸卒爵祝受爵命送如初送者送云俟後事也

右主婦亞獻尸

酢如主人儀

尸酢主婦如主人儀者自祝酌至尸拜送如酢主人也不易爵辟內子 疏曰云不

易爵辟內子者男女不相襲爵今襲爵者辟內子是以
少牢云祝受尸爵尸答拜易爵沈酌授尸主婦拜受爵
尸答拜是
主婦適房南面佐食授祭主婦左執爵右撫

祭祭酒啐酒入卒爵如主人儀

撫授祭示親祭佐食不授而祭於地亦儀簡也

入室卒爵於尊者前成禮明受惠也 疏曰云佐食不授而祭於地亦儀簡也者少牢大夫妻云上佐食授祭主婦西面于主人之北受祭此佐食祭於地主婦撫之而已故云亦儀簡云亦者亦前不夾拜也

右尸酢主婦

獻祝籩饔從如初儀及佐食如初卒以爵入于房

及佐食如初

初如其獻佐食則拜主人之北西面也 疏曰此無正文以佐食北面拜受主婦不宜與佐食同面拜送又言

如初明與主人同西面拜
故鄭云拜主人之北西面

右主婦獻祝及佐食

賓三獻如初燔從如初爵止

初亞獻也尸止爵者三獻禮成欲神惠之均於室中

是以奠而待之

疏曰自此盡卒復位論賓長獻尸及

佐食并主人主婦致爵之事此一科之內乃有十一爵

賓獻尸一也主婦致爵于主人二也主人酢主婦三也

主人致爵于主婦四也主婦酢主人五也尸舉奠爵酢

賓長六也賓長獻祝七也又獻佐食八也賓又致爵于

主人九也又致爵于主婦十也賓獻主人酢十一也云

初亞獻也者知不初獻者以主婦亞獻承初獻後賓長

又承亞獻後故知如亞獻不得如初獻也又而位及燔

從皆如亞獻也云三獻禮成欲神惠之均於室中是以

奠而待之者謂尸得三獻而禮成言其實飲三爵祝與

佐食亦得三獻主人主婦各得一酢而已未得獻是神惠未均奠而待之者待主人主婦致爵乃均也案下文衆賓長為加爵如初爵止鄭注云尸止爵者欲神惠之均于在庭止得一獻亦言均則不以爵數為均直據得一獻則為均也

右賓長獻尸爵止

席于戶內

為主鋪之西面席自房來

主婦洗爵酌致爵于主人主

人拜受爵主婦拜送爵

主婦拜於北面也今文曰主婦洗酌爵疏曰云主婦拜拜

於北面也者約有司備尸於堂主婦致爵于主宗婦贊

豆如初主婦受設兩豆兩籩

初贊亞獻也主婦薦兩豆籩東面也疏曰上主婦

亞獻時但云宗婦執兩簋又云祝贊籩祭無豆此云贊豆如初明贊豆之時與贊籩同故得言如初知東面者以主人西俎入設佐食設之疏曰有司下大夫不備面故也

俎入設尸者主婦致爵於主人時佐食設俎

彼室內行事與士禮畧同故鄭知佐食設之也

主人左執爵祭薦宗人贊祭奠

爵興取肺坐絕祭臠之興加于俎坐拱手祭酒啐酒絕肺

祭之者以離肺長也少儀曰牛羊之肺離而不提心豕亦然提拭也提手者為絕肺染汙也忖肺不提手古文提皆作說疏曰少儀注云提猶絕也不絕中央少許者引之證離肺長而不絕故須絕之云忖肺不提手者以其先已斷絕取祭之不肝從左執爵取肝擲于鹽坐須以手絕之故不提手也

振祭臠之宗人受加于俎燔亦如之興席末坐卒爵拜

於席未坐卒爵敬也一酌而備再從而次之亦均疏
曰此決上主人獻尸賓長以肝從主婦獻尸兄弟以燔
從今一酌而肝燔從
則與尸等故云亦均
主婦答拜受爵酌醋左執爵拜主

人答拜坐祭立飲卒爵拜主人答拜

右主婦致爵于主人受爵酌醋 昨俎臂正脊二

骨橫脊長脅二骨短脅

主人尊欲其體得祝之加
數五體又於加其可併者

二亦得奇名臂左體臂
其尸用右不云折明金升主人右云臂明左臂可
知脅骨多不嫌得與尸
同用右體猶脊然也 膚一離肺一

主婦出反于房主人降洗酌致爵于主婦席于房中南

面主婦拜受爵主人西面答拜宗婦薦豆俎從獻皆如

主人主人更爵酌醋卒爵降實爵于篚入復位

主人更爵自酢

男子不承婦人爵也祭統曰夫婦相授受不相襲處酢必易爵明夫婦之別疏曰案上主婦獻尸尸酢主婦不易爵鄭注云辟內子致爵于主人則易爵也若然案下記設洗篚在洗西實二爵鄭注云二爵者為賓獻爵止主婦當致也此賓長所獻爵尸奠之未舉其篚唯一爵得云易者上主婦臣獻洗爵于房中則房中有爵又主婦獻祝及佐食訖以爵入于房後主婦致爵于主人還是房內爵後主人致爵于主婦者是下篚之爵主婦飲訖實于房中之篚主人更取房內之爵以酌酢訖奠于下篚云主人更爵者謂酌酢爵與房內爵相更鄭注下記云主婦當致者謂主人致爵於主婦則用下篚內之爵也

右主人致爵于主婦更爵酌醋 記主婦俎觶折

觶戶角反又苦角反 觶後足折分後右足以為
佐食俎不分左臑折辟大夫妻 疏曰云觶後足

者案既夕記云明衣裳長及觶鄭注云觶足跗也
是觶後足也云分後右足以為佐食俎者經不云

後右足鄭知者以少牢主婦用左臑此士妻辟
之不用左臑用後右足不用後左足左足太卑 其

餘如昨俎 餘謂脊
肱肱肺

三獻作止爵

賓也謂三獻者以事命之作起也舊
說云賓入尸北面曰皇尸請舉爵

尸卒

爵酌酌獻祝及佐食洗爵酌致于主人主婦燔從皆如

初更爵酢于主人卒復位

洗乃致爵為興事新之燔從
皆如初者如亞獻及主人主

婦致爵也凡獻佐食皆無從其為俎厭兄弟以齒設之
賓更爵自酢亦不承婦人爵疏曰上文賓獻尸獻祝
及佐食皆不洗今致于主人洗故決之也案下篇不備
尸洗爵致于主人注云以承佐食賤新之此云為異事
新之注不同者但異事則是承賤承賤後則事異言雖
不同理則一也云燭從皆如初者如主婦亞獻尸及
祝皆肝從燭從此皆燭從無肝從故經注云燭從皆如
初云凡獻佐食皆無從者謂主人主婦及賓長獻佐食
皆無從故云凡鄭言以經厭祝及佐食洗爵致于主人
主婦燭從皆如初在獻佐食下嫌厭佐食亦然有燭從
故鄭辯之若然佐食得厭與祝得厭同亦得如初但無
從為異云其薦俎獻兄弟以齒設之者以上佐食得獻
時不見有設薦俎之文下記云佐食於旅也
齒於兄弟故佐食薦俎亦與兄弟同時設也

右賓作尸止爵及獻祝佐食主人主婦等

主人降阼階西面拜賓如初洗

拜賓而洗爵為將獻之如初視濯時主人再拜

賓客拜三拜衆賓衆賓答再拜

賓辭洗卒洗揖讓升酌西階上獻賓賓

北面拜受爵主人在右答拜

就賓拜者此禮不主於尊也賓卑則不尊階主人在

右統於其位

疏曰案鄉飲酒鄉射賓主獻酢各於其階至酬乃同階此因祭如初賓非為尊之所尊者謂尸

也又賓是士家有司卑不得專階故就之使不得專階對鄉飲酒鄉射得專階也云主人在右統於其位者以

其賓得在西階上北面以東為右主人位在阼階故云統于其位鄭言此者主人就西階與於飲酒主人在右

則與飲酒禮同以言主人常居右也

薦脯醢設折俎

凡節解者皆曰折俎不言其體略云折俎

非貴體也上賓略衆賓儀公有司設之疏曰案下記云賓略鄭云略在略也賓俎全體尊賓也折骨而曰折

組明凡節解牲體皆曰折升于組故名折組與臠折同名其折義則異彼折骨云不言其體略云折組非貴體也者案下記云賓骼是牲體此經云折組者用骼非貴體故略云折組若然經尸組祝佐食及主人主婦組體皆不言之而鄭注獨云賓組不言體者尸祝等經不言牲體亦不言折以其體貴故也此賓組不言牲體而言折明非貴體也云上賓骼衆賓儀者案下記唯云賓骼其衆賓已下皆般胥不言儀鄭見有司徹主人獻賓儀司士設組羊骼一又云衆賓長拜受爵其胥體儀也注云儀者尊體盡儀度餘骨可用而用之尊者用尊體卑者用卑體而已是也云公有司設之者此即有司徹所云司士是也下文云公有司在門西則此設組者也

賓左執爵祭豆奠爵興取肺坐絕祭齊之興加于俎坐

抗手祭酒卒爵拜主人答拜受爵酌酢奠爵拜賓答拜

主人酌自酢者賓不敢敵主人主人達其意疏曰云
賓不敢與主人為敵酢之是以主人酌以自酢達賓意
故也若鄉飲酒鄉射賓皆親酢
主人以其賓尊行敵禮故也
主人坐祭卒爵拜賓答

拜揖執祭以降西面奠于其位位如初薦俎從設位如初復

其位東面少牢饋食禮宰夫執薦以從設于祭東司士
執俎以從設于薦東是則皆公有司為之與與音余

疏曰以賓位在西階下東面今受獻於西階上經云
執祭以降西面奠于其位又言位如初明復西階下東

面位可知
衆賓升拜受爵坐祭立飲薦俎設于其位辯主

人備答拜焉降實爵于筐辯音通後皆同衆賓立飲

爵者不拜既爵備
盡盡人之答拜

欽定四庫全書

儀禮經傳通解

卷一百一十五

右獻賓及衆賓 記賓與長兄弟之薦自東房其

餘在東堂

東堂東夾之前近南其餘謂衆賓兄弟之薦也

疏曰

公有司

門西北面東上獻次衆賓私臣門東北面西上獻

次兄弟升受降飲

獻在後者賤也祭祀有上事者貴之亦皆與旅與音預疏

曰公有司獻在衆賓後私臣獻在兄弟後故獻在後者賤也云祭祀有上事者貴之者謂衆賓兄弟次賓之卑得獻衆賓擇取公有司可執事者謂前舉鼎七載羞從獻衆賓擇取公有司酬爵之屬如此者門外在有司羣執事中入門列在東面爲衆賓餘者在門西位也兄弟雖無上事亦皆在西面位族親故也私臣獻在兄弟後者職賤公有司在衆賓後不執事賤於執事者故曰有上事者貴之

宗人獻與旅齒於衆賓則公有司是也佐食於旅齒於兄弟則私臣之中擇為賓使為佐食是也是以前文佐食北面立於中庭注云佐食賓佐尸食是也案前賓得獻薦脯醢設折俎注云公有司設之及獻兄弟薦番注云私人為之與二者皆使執事云非執事者以受獻者不得自設俎督使二者設之非本執事之人然則公有司私臣薦俎皆使徒隸為之與云亦皆與旅者上宗人獻旅云齒於衆賓佐食旅齒於兄弟是但言獻次不言旅以宗人佐食約之與旅者亦此二人也若天子諸侯祭祀其位無文此公有司在門西北面東上私臣在門東北面西上天子諸侯祭祀可依此位矣同姓無爵者在阼階前兩面北上卿西階前東而北上大夫在門東北面士門西北而旅食在其後少牢下篇云衆賓位在門東北面既獻在西階西南衆賓繼上賓而南天子諸侯之賓其位或依此與案

祭紀云凡賜爵昭為一穆為一昭與昭齒穆與穆齒凡羣有司皆以齒此之謂長幼有序此不見昭穆位者主人衆兄弟非昭穆乎故彼注昭穆猶特牲少牢饋食之禮主人之衆兄弟也羣有司猶衆賓下及執事者君賜之爵謂若酬之是也若其有爵者則以爵序之何故然也案文王世子其在外朝則以官其在宗廟之中則如外朝之位宗人授事以爵以官是不以姓其獻之亦以官故祭統云尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒明尊卑之等是也以此差之知無爵者從昭穆有爵者則以官矣宗人獻與旅齒於衆賓尊庭長齒從其長幼之次佐食於旅齒於兄弟賓駘長兄弟及宗人折其餘如佐食俎

長丁文反注及後皆同
駘左駘也賓俎全體

尊賓不用尊體為其已甚卑而全之其宜可也長
兄弟及宗人折不言所分略之疏曰尸用右肱
故知賓所用左肱可知云長兄弟
及宗人折不言所分故知略之也衆賓及衆兄弟

內賓宗婦若有公有司私臣皆殺胾

殺尸交反胾之丞反後同

又畧此所折骨直破折餘體可殺者升之俎一
而已不備三者賤祭禮接神者貴凡骨有肉曰胾
祭統曰凡為俎者以骨為主貴者取貴骨賤者取
賤骨貴者不重賤者不虛示均也俎者所以明惠
之必均也善為政者如此故曰見政事之均焉公
有司亦士之屬命於君者也私臣自己所辟除者
疏曰云又畧者上文長兄弟及宗人直言折不
言所折骨體已是略此又不言折而言殺胾是又
畧也言此所折骨值有餘體即破之可也云祭禮
接神者貴者謂長兄弟及宗人已上俎皆三皆有

齊肺以接神及尸賁故三體自衆賓已下折體而已不接神及尸賁無獻故也宗人雖不獻執巾以授尸亦名接也引祭統者見貴賤皆有骨示均之義云已所辟除者則府史之等不命於君者也

膚一離肺一

尊兩壺于阼階東加勺南枋西方亦如之

勺時灼反為酬賓及兄

弟行神惠不酌上尊卑異之就其位尊之兩壺皆酒優之先尊東方示惠由近禮選曰澄酒存下疏曰上文獻賓及兄弟皆酌上尊者獻是嚴正故得與神靈共尊至此旅酬禮褻故不敢酌上尊案司尊彝職四時之祭云皆有壘諸臣之所酢少牢上下大夫堂下皆無尊者士卑得與人君同大夫尊辟人君故也云兩壺皆酒優之者設尊之法皆有玄酒今兩壺皆酒無玄酒優之也云先尊東方示惠由近者東方主人位西方賓位今先

設東方乃設西方者見酒由主人來故云示惠由近為始引禮運者彼注澄為沈齊酒是三酒酒所以飲諸臣證此壺尊亦飲在下者也主人洗觶酌于西方之尊西階前北面酬

賓賓在左

先酌西方者尊賓之義

主人奠觶拜賓答拜主人坐祭

卒觶拜賓答拜主人洗觶賓辭主人對卒洗酌西面賓

北面拜

西面者鄉賓位立於西階之前賓所答拜之東北鄉許亮反疏曰以經云主人對卒洗酌

西面賓北面拜主人西面授賓北面答拜明主人不得南過於賓故鄭以義言之云立於西階之前賓所答拜之東主人奠觶于薦北

奠酬於薦左非為其不舉行神惠不可同於飲酒疏曰以其

神惠若不舉生人飲酒左不舉令行神惠不可同於飲酒故奠於左與生人相變故有司徹云二人舉觶酬尸

侑侑奠觶于右鄭注云奠于右者不舉也神惠右不舉變於飲酒是也此酬奠于薦左下文賓舉為旅酬以其神惠故也言不可同飲酒者謂不可同於鄉飲酒故鄉飲酒記云將舉者於右奠者於左其義與此別此下文奠觶於薦南明將舉以初在北賓坐取觶還東面拜主飲酒將舉奠于薦南便其復舉

入答拜賓奠觶于薦南揖復位

還東面就其位薦西奠觶南明將舉疏曰

云揖復位者則初奠時少南於位可知云還東面者則初賓坐取觶薦東西面可知故鄭注云還東面就其位也薦西也

右堂下設尊酬賓賓奠觶

主人洗爵獻長兄弟于阼階上如賓儀

酬賓乃獻長兄弟者獻之禮成

於酬先成賓禮此主人之義亦有薦胥設于位私人為之與與音余疏曰云酬賓乃獻長兄弟者獻之禮成於酬者以其獻賓之禮以酬副之乃禮成故冠禮云乃禮賓以一獻之禮鄭注云獻酢酬賓主人各兩爵而禮成又鄉飲酒獻及酬賓訖乃獻介又此文獻賓即酬賓乃獻兄弟故鄭注獻之禮成於酬也云亦有薦胥設于位者以經云獻長兄弟於阼階上如賓儀則長兄弟初受獻于阼階上時亦薦脯醢設折俎於阼階上祭訖乃執以降設於下位皆當如賓儀鄭下注云設薦俎於其位者據執祭以降及其位而言也言亦者亦賓鄭必知有薦俎者見于下記云長兄弟及宗人折是也云私人為之與者私人者即私臣下記云私臣門東北面西上是也以前薦公有私設之則兄弟薦洗獻衆兄弟如俎私人可知以無正文故言與以疑也

衆賓儀

獻畢而必為之洗者顯神惠此言如衆賓儀則如衆賓洗明矣疏曰上獻衆賓時雖不言洗

此云獻衆兄弟如衆賓儀明獻衆賓洗
可知不言者舉下以明上省文之義也

右堂下獻長兄弟衆兄弟 記長兄弟及宗人折

其餘如佐食俎

詳見上文獻賓條下並同

衆兄弟若有公有司

私臣皆殺胾膚一離肺一 賓與長兄弟之薦自

東房其餘在東堂 私臣門東北面西上獻次兄

弟

洗獻內兄弟于房中如獻衆兄弟之儀

內兄弟內賓宗婦也如衆兄弟

如其拜受坐祭立飲設薦俎于其位而立內賓位在房中之尊北不殊其長略婦人者也有司徹曰主人洗獻

內賓於房中南面拜受爵 疏曰云內賓宗婦也者此
總云內兄弟下記云內賓宗婦案彼注云內賓姑姊妹
宗婦族人之婦若然兄弟者服名故號婦人為兄弟也
云其位在房中之尊北者案下記云尊兩壺于房中西
墉下南上內賓立于其北東面南上宗婦北堂東面北
上是也云不殊其長略婦人者決上文獻賓於西階上
獻兄弟於阼階上皆殊其長此不殊故云略之引有司
徹者欲見此內賓受獻時亦南面拜受爵故下注云內
賓之長亦南面答拜言亦者亦前受獻時前
雖無文約有司徹內賓之長亦南面答拜 主人西面

答拜更爵酢卒爵降實爵于篚入復位

爵辨乃自酢以初不殊其長也

內賓之長亦南面答拜 疏曰云爵辨乃自酢以初不
殊其長也者對上賓與長兄弟不侍獻衆賓衆兄弟徧
主人先自酢也云內賓之長亦南面答拜者獻時不殊
其長酢時猶如賓及兄弟殊其長與男子同男子婦人

衆賓以下
皆無酢也

右獻內賓宗婦于房中 記尊兩壺于房中西牖

下南上

為婦人旅也其尊之節亞西方 疏曰先尊東方者亦惠由之也西方雖是賓以其

男子故在前設尊此處為房內婦人設尊故知亞次西方又經云尊兩壺于阼階東又云西方亦如之明其相亞次此房內婦人之 內賓立于其北東

尊上文不見者異之於婦人

面南上宗婦北堂東面北上

二者所謂內兄弟內賓姑姊妹也宗婦族

人之婦其夫屬于所祭為子孫或南上或北上宗婦宜統於主婦主婦南面北堂中房而北 疏曰言所謂者上經云主人洗獻內兄弟于房中如獻衆兄弟之儀是也言宗婦則其夫屬於所祭死者

之子孫之妻皆稱婦也云或南上或北上云內賓
姑姊妹賓客之類南上自取曲禮云東鄉西鄉以
南方為上宗婦雖東鄉取統于主婦故北上主婦
南面故也云北堂中房而北者謂房中半已北為
北堂

內賓宗婦皆殺胥膚一離肺一

詳見上文獻衆賓條

宗婦贊薦者執以坐于戶外授主婦

長兄弟洗觚為加爵如初儀不及佐食洗致如初無從

大夫士三獻而禮成多之為加也不及佐食無從殺也致致於主人主婦殺所界反下皆同疏曰云如初

儀者如賓長三獻之儀但賓長獻十一爵此兄弟之長加獻則降唯有六爵以其闕主人主婦致爵并酢四爵及獻佐食五唯有六在者洗觚為加獻一也尸酢長兄第二也獻祝三也致爵於主人四也致爵於主婦五也

受主人酢六也云大夫士三獻而禮成者天子大稔十有三獻四時與禘雒有九獻上公亦九獻侯伯七獻子男五獻卿大夫士略同三獻而祭禮成也是以多之者為如若主人飲酒禮卿大夫三獻士唯一獻而已祭禮士與大夫同者攝盛彝亦與大夫同少牢五鼎又乘車建旌亦與卿大夫同也

右長兄弟為加爵

衆賓長為加爵如初爵止

尸爵止者欲神惠之均於在庭曰庭賓及兄弟雖得

一獻未得旅酬其已得三獻又別受加爵故停之使庭行旅酬是以云尸爵止者欲神惠之均於在庭也

右衆賓長為加爵爵止

嗣舉奠盥入北面再拜稽首

嗣主人將為後者舉猶飲也使嗣子飲奠者將傳重

累之者大夫之嗣子不舉奠辟諸侯傳大專反疏
曰云嗣主人將為後者不言適而言將為後者欲見無
長適立庶子及同宗為後皆是故汎言將為後也云舉
猶飲也者非謂訓舉為飲直是嗣子舉而飲之耳云將
傳重累之者將使為嗣牽累崇敬承重祭祀之事是以
使飲之而獻也云大夫之嗣子不舉奠辟諸侯者案文
王世子云其登餼獻受爵則以上嗣注云上嗣舉奠也獻謂舉
長子以特牲饋食禮言之受爵謂上嗣舉奠也獻謂舉
奠洗爵酌入也餼謂宗人遣舉奠盥祝命之餼也大夫
之嗣無此禮辟君也今案少牢無嗣子舉奠之事故此
注云辟諸侯士卑不嫌得與人君同故有嗣子舉奠之
事也奠者即上文祝酌奠於鉶南是也郊特牲云舉竿
角詔妥尸鄭注云始入舉奠竿若奠角將祭之祝則詔
主人拜安之使之坐尸即至尊之坐或時不自安則以
拜安之天子奠罍諸侯奠角彼鄭注
意亦引此特牲祝酌奠于鉶南也

尸執奠進受復位

祭酒啐酒尸舉肝舉奠左執觶再拜稽首進受肝復位

坐食肝卒觶拜尸備答拜焉

食肝受尊者賜不敢餘也備猶盡也每拜答之以尊

者與卑者為禮略其文耳古文備為復疏曰直言受肝明有鹽是以下祀云嗣舉奠佐食設豆鹽是也去食不盡直云齊之而已此經云食肝明不敢餘也舉奠洗酌入尸拜受舉奠答拜尸祭酒啐酒奠之舉奠出復位

啐之者答其欲酢己也奠之者復神之奠觶嗣齒於子姓凡非主人升降自西階疏曰云啐之者答其欲酢己也者鄉飲酒鄉射主人獻賓賓皆啐酒洗爵即酢主人此嗣子獻尸尸啐之亦欲酌己故啐之其實無酢也云嗣齒於子姓者姓之言生子之所生謂孫行者今嗣亦孫之流故齒之也云凡非主人升降自西階者案曲

禮云為人子者升降不由阼階是以雖嗣子亦宜升降自西階適子孫不升阼階故於此摠言凡也

右嗣舉奠記嗣舉奠佐食設豆鹽

肝宜鹽也

兄弟弟子洗酌于東方之尊阼階前北面舉觶于長兄

弟如主人酬賓儀

弟子後生也儀者謂如上文

主人酬賓就其階同

北面並拜乃飲卒爵拜洗酌乃西面賓北面拜但故言如此亦然弟子洗解酌於東方之尊阼階前東面獻長兄弟長兄弟北面拜受弟子奠于薦南長兄弟坐取觶還西面拜弟子北面答拜長兄弟奠于薦北揖復位若有司徹云兄弟之後生者舉觶於其長長在左弟子自飲訖升酌降長拜受於其位舉爵者東面答拜鄭注云拜受答拜不北面者儻尸禮親此不儻尸則拜送皆北面可知也弟子後生者此即有司徹云兄弟之後生者

也是也

右弟子舉解于長兄弟

宗人告祭胙

胙祖也所告者衆賓兄弟內賓也獻時設薦俎于其位至此禮又殺告之祭使成禮

也其祭皆離肺不言祭豆可知疏曰云告祭胙者謂告衆賓等知無長賓者以其初得獻時即祭肺於階上此獻時乃設薦俎于其位故此無長賓也云獻時設薦俎於其位者得獻時薦于堂下及房內之位云至此禮又殺告之祭使成禮也者案上文加爵致爵不及佐食無從殺也此告之祭使成禮是再殺故云又殺也衆賓言薦俎從設言薦即豆乃羞羞庶羞也下尸載醢豆而故云不言祭豆可知

於內賓無內羞疏曰知羞非薦羞者上文受獻時皆設薦俎于其位故知此羞是庶羞非薦也上為尸佐食

羞庶羞四豆設於左鄭注四豆曉炙載醢此祝已下薦
羞降于尸當去曉炙故云載醢豆而已云此所羞者自
祝主人至於內賓者言自祝下及內賓及衆賓兄弟皆
在可知又下記云公有司獻次衆賓私臣獻次兄弟則
內賓亦及之是以少牢下篇云乃羞庶羞于賓兄弟內
賓及私人不償尸亦云乃羞于賓兄弟內賓及私人辨
是也若然少牢與有司徹饋尸與不償尸庶羞與房中
羞皆與尸佐食及祝主人主婦皆同時羞之者彼上下
大夫禮尊故得與尸同時羞此士禮卑故不得與尸同
也云無內羞者以其尸尊尚無內羞况祝卑故無內羞
也

賓坐取觶酢階前北面酬長兄弟長兄弟在右

薦南奠觶

疏曰自此盡實觶于篚論行旅酬之間作止爵之事
但此特牲之禮臺下行旅酬無算爵並有室中者不與
旅酬之事上大夫備尸與旅酬不與無算爵之事故別
使二人舉觶於尸侑尸侑得舉為旅酬徧及堂下尸與

旅酬者以其償尸在堂禮殺故也若下大夫不償尸者堂下無旅酬直行無算爵於堂下而已尸則不與之所以以下大夫無旅酬直有無算爵者以其禮尸於室中辟國君堂下不設尊故無旅酬直行無算爵而已以其堂下與神靈共尊不得與尸行旅酬故屈之此特壯堂下得旅酬無算爵並行者以其堂下與神靈別尊故為加爵禮尸於室中酌上尊堂下旅酬行神惠酌下尊故上大夫及士之祭禮旅酬行無算爵或行或不皆參差不等也賓酬長兄弟長兄弟在右下文長兄弟酬衆賓長自左受旅如初是賓主相酬主人常在東其同在賓中則受酬者在左若鄉飲酒賓酬主人主人立于賓東主人酬介介立於主人之西其衆賓受介酬者自介右鄭注云尊介使不失故位衆受酬者受自左異其義也賓主相酬各守其位不以尊卑變同類之中受者于左尊也右賓奠觶拜長兄弟答拜賓立卒觶酌于其尊東面立

長兄弟拜受觶賓北面答拜揖復位

此其尊長兄弟尊也此受酬者拜亦北

面疏曰以其旅酬無算爵以飲者酌已尊酬人之時酌彼尊是各自其酒故無算爵賓弟子及兄弟弟子舉

觶於其長各酌于其尊也云此受酬者拜亦北面者以經長兄弟拜受觶不言面位故鄭云受酬者拜亦北面

言亦者亦賓北面也長兄弟西階前北面衆賓長左受旅如初

也受行酬也初賓酬長兄弟長兄弟卒觶酌于其尊西面立受旅者

拜受長兄弟北面答拜揖復位衆賓及衆兄弟交錯以

辯皆如初儀

交錯猶言東西

為加爵者作止爵如長兄弟之儀

於旅酬之間言作止爵明禮親並作疏曰前衆賓之長為加爵如初爵止今還使為加爵者作止爵也故云

如長兄弟之儀云於旅酬之間言作止爵明禮殺並作者此決上文賓三獻爵止鄭注云三獻禮成欲神惠之均于室中是以奠而待之故有室中主人主婦致爵訖乃三獻作止爵此衆賓長為加爵如初爵止鄭注云尸爵止者欲神惠之均于在鹿而堂下庭中行旅酬未訖為加爵者作止爵故鄭注云禮殺並作也

長兄

弟酬賓如賓酬兄弟之儀以辯卒受者實解于筐

長兄

賓亦坐取其奠解此不言交錯以辯賓之酬不言卒受者實解于筐明其相報禮終於此其文省疏曰云長兄弟酬賓亦坐取其奠解者亦謂亦上賓坐取薦南奠解此長兄弟所舉奠解者即上弟子舉解於其長是也云明其相報禮終於此其文省者以其賓舉奠解於長兄弟行旅酬盡皆徧長兄弟舉解於賓行旅酬亦皆徧故云相報禮終言明者嫌其不終所以嫌者賓之酬不言卒受者此不言交錯以辯嫌其不卒不辯其實賓之

酬亦卒受者實解于篚此亦交錯以辯故鄭云文省

賓弟子及兄弟弟子洗各酌

于其尊中庭北面西上舉解于其長奠解拜長皆答拜

舉解者祭卒解拜長皆答拜舉解者洗各酌于其尊復

初位長皆拜舉解者皆奠解于薦右

奠解進奠之于薦右非神惠也今文

曰奠于薦右

疏曰云奠解進奠之于薦右非神惠也

者案上尊兩壺于阼階東加勺南枋西方亦如之鄭注

云為酬賓及兄弟行神惠至此云非神惠者彼三獻止

爵欲得神惠均于室中衆賓長為加爵止爵者欲神惠

均于在庭故止爵行旅酬得為神惠至此別為無算爵在

下自相勸故為非神惠故奠于薦右同於生人飲酒舉

者奠於薦右也長皆執以興舉解者皆復位答拜長皆奠解于

薦右也

其所皆揖其弟子弟子皆復其位

復其位者東西面位弟子舉解于其長所

以序長幼教孝弟凡堂下拜亦皆北面疏曰上既言皆復位答拜此復重云復位則上文復位復在庭初舉北面位此重言復位者當復東西面位可知云凡堂下拜亦皆北面者前主人酬賓弟子舉於其長行旅酬及無算爵兄弟弟子賓弟子舉解皆北面則爵皆無算數知凡堂下雖不見面位者皆北面拜可知

也賓取解酬兄弟之黨長兄弟取解酬賓之黨唯己所欲亦交錯以辯無次第之數因令接會使之交思定好之優勸

右旅酬及無算爵 記宗人獻與旅齒於衆賓佐

食於旅齒於兄弟

詳見上文獻賓

主婦及內賓宗婦亦

旅西面

西面者異於獻也男子獻於堂上旅於堂下婦人獻於南面旅於西面內賓象衆賓

宗婦象兄弟其節與其儀依男子也主婦酬內賓之長酌奠于薦左內賓之長坐取奠于右宗婦之娣婦舉觶於其如婦亦如之內賓之長坐取奠酬宗婦之如交錯以辯宗婦之如亦取奠解酬內賓之長交錯以辯內賓之少者宗婦之娣婦各舉奠於其長並行交錯無算其拜及飲者皆西面主婦之東南娣大計反如音似本或作似疏曰云西面者異於獻也者以受獻時南面也云男子獻於堂上旅於堂下者見上經云婦人獻於南面旅於西面者見於有司徹云其節與其儀依男子也者謂依上經旅酬及無算爵早晚行事之節皆依男子也云主婦酬內賓之長酌奠于薦左內賓之長坐取奠于右者此約上經主人洗觶酌于西方之尊西階前酬賓時主人奠觶于薦北賓坐取

解奠解于薦南是也云宗婦之娣婦舉解于其如
婦亦如之者此亦約上經兄弟弟子洗酌于東方
之尊阼階前北面舉解于長兄弟如主人酬賓儀
是也云內賓之長坐取奠解酬宗婦之如交錯以
辯者此亦上經正行旅酬節賓坐取解阼階前北
面酬長兄弟云交錯以辯皆如初儀是也云宗婦
之如亦取奠解酬內賓之長交錯以辯者此亦約
旅酬節云長兄弟酬賓如賓酬兄弟之儀以辯卒
受者實解于筐是也云內賓之少者宗婦之娣婦
各舉奠於其長者此亦約上經正行無算爵時云
賓弟子及兄弟弟子各酌于其尊舉解於其長下
云爵皆無算是也云其拜及飲者皆西面主婦之
東南者此經云亦旅西面故知其拜受及拜送飲
皆西面又亦旅酬之法飲皆西面知在主婦之東
南者以其不肯主婦
又得邪角相向也

利洗散獻于尸酢及祝如初儀降實散于篚

散悉但反下皆同

利佐食也言利以今進酒也更言獻者以利待尸禮將終宜一進酒嫌於加酒亦當三也不致爵禮又殺也疏曰利與佐食乃有二名者以上文設俎啓會爾敦之時以黍稷為食故名佐食今進以酒酒所以供養故名利利即養也故鄭云以今進酒也少牢名佐食上利執羊俎下利執豕俎者大夫禮文故即兩見其名兄弟長及衆賓長為加爵於尸不言獻今進酒更言獻不言加爵故鄭君解其義以利事尸禮將終宜一進酒不似長兄弟助宗子祭祀為加爵衆賓之長助主人祭祀設為加爵嫌此佐食同彼二者為加爵故變言獻是以鄭云嫌亦當三也亦者亦上主人獻主婦獻賓長為三獻也長兄弟為加爵衆賓長為加爵通洗散獻尸亦三都并尸飲六士祭事尸禮畢也云不致爵禮又殺也者上文云長兄弟洗觚為加爵如初儀不及佐食洗致如初無

從注云不及佐食無從殺也此又不致故云又殺也主人出立于戶外西南禮畢

右尸卒食記尸卒食而祭饔饗雍饗尸享祭竈

有功也舊說云宗婦祭饔饗亨者祭雍饗用黍肉而已無籩豆俎禮器曰燔燎于饗夫饗者老婦之祭盛於盆尊於瓶疏曰云亨者則周禮亨人之官其職主實錢水饗亨之事以供外內饗故使之祭饔饗也云用黍肉而已無籩豆俎者亦約禮器云盆瓶知之引禮器者案彼云孔子曰臧文仲焉知禮燔柴於奧鄭注云與當為饗字之誤也或作竈時人以為祭火神乃燔柴又云夫饗老婦之祭也盛於盆尊於瓶注云老婦先炊者也盆瓶炊器也明此祭先炊非祭火神燔柴似失之引之者證祭饗之事也

祝東面告利成

利猶養也供養之禮成不言禮畢於尸間之嫌養羊亮反下同供九月反

疏曰少牢云主人出立于阼階上南面祝出立于西階上東面祝告曰利成此戶外告利成彼階上告利成以尊者稍遠於尸若天子諸侯禮畢於堂下告利成故詩楚茨云禮儀既備鐘鼓既戒孝孫徂位工祝致告鄭注云鐘鼓既戒戒諸在廟中者以祭禮畢孝孫住位堂下西面位也祝於是致孝孫之意告尸以利成也云不言禮畢於尸間之嫌者禮畢於尸間無事有發遣尸之嫌故直言利成而已也尸謖祝前主人降尸謖主人降立于阼階東西面祝先尸從遂出于廟門前尸之儀士虞禮備矣疏曰引少牢者證大夫禮主人立位與士不同又證前尸出廟之事云前尸之儀士虞禮備矣者彼有室中出尸祝反及主人入復位命降階出廟前尸之事故云備矣祝反及主人入復位命

佐食徹尸俎俎出于廟門

俎所以載所俎少牢饋食禮曰有司受歸之疏曰引少

牢者是少牢下篇有司徹下大夫不賓尸之禮彼云佐食徹尸俎佐食乃出尸俎于廟門外有司受歸之此士禮不償尸與下大夫同故引以相證也

右事尸禮畢 記賓從尸俎出廟門乃反位賓從

尸也士之助祭終其事也俎尸俎也賓既送尸復入反位者宜與主人為禮乃去之疏曰云士之助祭終其事也者謂送尸為終其事既送尸為終其事則更無償尸之禮若上大夫有償尸者尸出賓不送以其事終於償尸故也

徹庶羞設于西序下

為將餞去之庶羞主為尸非神饌也尚書傳曰宗室有事族人皆侍

終日大宗已侍於賓奠然後燕私燕私者何也已而與族人飲也此徹庶羞置西序下者為將以燕飲與然則自尸祝至於兄弟之庶羞宗子以與族人燕飲於堂內賓宗婦之庶羞主婦以燕飲於房為于僞反去起呂反飲與音余疏曰知非神饌而云為尸者以其尸三飲後始薦庶羞故徹之乃餞也凡餞者尸餞鬼神之餘祭者餞尸之餘義取鬼神之惠徧廟中庶羞非鬼神惠故不用也引尚書傳者證徹庶羞不入于房而設于西序下以擬燕故也必知祭有燕者祭楚歌詩云鼓鐘送尸下云備言燕私注云祭祀畢歸賓客之俎同姓則留與之燕所以尊賓客親骨肉也其上大夫當日饋尸安有燕故有司徹上大夫云主人退注云反於寢也是無燕私若下大夫不備尸與此士禮同亦當有燕也云與者以經直言設于西序下不言燕引書傳為證有燕故言與以疑之也云然則自尸祝以下知義如此者以兄弟受獻於堂下主婦內賓受獻於房中尸出之後堂房

無事故知燕時男子在堂婦人在房可也筵對席佐食分簋鉶為將餞分之也分簋者分

敦黍於會為有對也敦有虞氏之器也周制士用之變敦言簋容同姓之士得從周制耳祭統曰餞者祭之未

也不可不知也是故古之人有言曰善終者如始餞其是己是故古之君子曰尸亦餞鬼神之餘惠術也可以

觀政矣疏曰云敦有虞氏之器者禮記明堂位云有

虞氏之兩敦上文黍稷之敦是周制士用之云言簋容

同姓之士得從周制耳者大未異姓既用異代之器故少牢特牲皆用敦則同姓之士當同周制用簋故經言

分簋引祭統者證餞是鬼神之惠徧廟中若國君之惠徧境內是可以觀政之事也宗人遣舉奠

及長兄弟盥立于西階下東面北上祝命嘗食養者舉

奠許諾升入東面長兄弟對之皆坐佐食授舉各一膚

命告也。士使嗣子及兄弟養其惠，不過族親。古文養皆作餼。疏曰：此決下篇少牢二佐食及二賓長餼明惠。

大及異姓不止族親而已。主人西面再拜祝曰：「養有以也。」兩養奠舉。

于俎許諾皆答拜。以依注音似或如字。以讀如何其久也必有以也。之以祝告養釋辭以

戒之言。女養此當有所以也。以先祖有德而享于此祭其坐養其餘亦當以之也。少牢饋食禮不戒者非親昵

也。舊說曰：主人拜下養席南。女音汝下同。疏曰：何其久也必有以也。此辭在詩邶風旄丘篇。此經云有以

也者，以先祖有功，德子孫當嗣之而廟食先祖亦合享此祭。故讀從之也。云少牢饋食禮不戒者，二佐食與二

賓長非親昵也。引舊說者以經直言主人西。若是者三而拜不見其處，故引舊說以明下養席南。

丁寧戒之。皆取舉祭食祭舉乃食祭鉶食舉。食乃祭鉶禮殺疏曰：前正祭

之時尸祭銅幣之告旨訖佐食爾泰於席上尸始食今餞食乃祭銅故決云禮殺故也

卒食主人

降洗爵宰贊一爵主人升酌醕上養上養拜受爵主人

答拜醕下養亦如之

少牢饋食禮曰贊者洗三爵酌主人受于戶內以授次養皆說云主

人北面授于養爵疏曰引少牢者欲見此禮主人亦受於戶內以授次養引舊說以此經云醕下養主人而

位無文當北面也

主人拜祝曰醕有與也如初儀

主人復拜為戒也與讀如

諸侯以禮相與之與言女醕此當有所與也與者與兄弟也既知似先祖之德亦當與女兄弟謂教化之疏

曰諸侯以禮相與之與見禮記禮運言此者戒嗣子與長兄弟及眾兄弟相教化相與以尊先祖之德也兩

養執爵拜

容主

也祭酒卒爵拜主人答拜兩養皆降實爵

于篚上簋洗爵升酌酢主人主人拜受爵

下簋復兄弟位不復升也

上簋即位坐答拜

既授爵戶內乃就坐人位在戶內下簋席南西面故知上

疏曰以其主

餞授爵於戶內乃就坐

主人坐祭卒爵拜上簋答拜受爵降實于

篚主人出立于戶外西面

事餞者禮畢

右簋

祝命徹俎豆邊設于東序下

命命佐食俎主人之俎宗婦不徹豆邊徹禮

略各有為而已設于東序下亦將燕也

疏曰云祝命

徹俎者是佐食徹之當徹俎俎之時堂下簋兄弟俎

畢出故下文云佐食徹俎俎堂下俎畢出是也云宗婦不徹豆邊徹禮略各有為而已者以宗婦贊設豆邊佐

食設俎理應佐食徹俎宗婦徹豆籩以徹禮略故宗婦
豆籩命佐食并徹之也云各有為而已者謂宗婦徹祝

俎豆籩佐食徹昨俎豆籩是各祝執其俎以出東面于
自有為何必依前所設之時也

戶西

俎告利成少卑下篇曰祝告利成乃執俎以出
疏曰案有司徹下大夫不備尸改饌于西北隅訖

主人出立于阼階上西面祝執其俎以出立于西階上
東面司宮闔牖戶祝告利成乃執俎以出于廟門外有
司受歸之彼不償尸之禮亦與此特牲禮同故引為證也宗婦徹祝豆籩入于房徹

主婦薦俎

宗婦既並徹徹其卑者士虞禮曰祝薦席徹
入于房疏曰宗婦不徹主人豆籩而徹祝

豆籩入房者為主婦將用之為燕祝兩豆籩而主婦用
之者祝接神尸之類主婦燕姑姊妹及宗女宜行神惠
故主人以薦羞并及祝庶羞燕宗人於堂主婦以祝籩
豆燕內賓於房是其事也云宗婦既並徹徹其卑者以

宗婦不徹主人籩豆而徹祝與主婦是徹其卑者故得並徹引士虞禮者以經自有入房之文注更引士虞禮者有嫌也嫌者以主婦薦俎先在房嫌經入房又為徹

右徹俎將用之為燕

佐食徹尸薦俎敦設于西北隅几在南扉用筵納一尊

佐食闔牖戶降

扉扶未反 扉隱不知神之所在或諸遠人乎尸設而改饌為幽闇庶其饗之

所以為厭飫少牢饋食禮曰南面如饋之設此所謂當室之白陽厭也則尸未入之前為陰厭矣曾子問曰殤不備祭何謂陰厭陽厭也 厭一豔反飫於庶反 疏曰云不知神之所在或諸遠人乎禮記郊特牲之文彼論正祭與繹祭之事此為陽厭引之者欲見孝乎求神非一處故先為陰厭之事也引少牢者見彼大夫禮陽

厭南面此士禮東面雖位不同當室之白則同案曾子問庶殤為陽厭之事故彼云凡殤與無後者祭於宗子之家當室之白尊於東房是謂陽厭鄭注云當室之白謂西北隅得戶之明者也凡言厭者謂無尸直厭飫神尸未入之前為陰厭謂祭于與中不得戶明故名陰厭對尸謾之後改饌於西北隅為陽厭以向戶明故為陽厭也孔子曰有陰厭祝告利成降出主人降即位宗人有陽厭見曾子問


告事畢賓出主人送于門外再拜

拜送賓也凡去者不答拜

者不答拜者云凡摠解諸文主人拜送賓皆不答拜鄭注鄉飲酒云禮有終是也若賓更答拜是更崇新敬禮故不佐食徹作俎堂下俎畢出
記俎出節兄弟及眾賓自徹而出唯賓俎有司徹歸之尊賓者
疏曰有司徹歸尸侑之俎不賓尸歸尸俎皆不見歸賓俎鄭所以知歸賓俎者上文賓出主

人選于門外再拜明賓不自徹俎主人使歸之若助君祭必自徹其俎鄭注曲禮大夫以下或使人歸之是以魯郊不致燔俎于大夫孔子不脫冕而行士大夫家尊賓使歸之自餘亦自徹而去也

右改饌西北隅陽厭



儀禮經傳通解續卷十七